



PROFESSOR J. S. WILL



Library
of the
University of Toronto









ARREST DE

LA COVR DE PARLEMENT,
Par lequel, le pretendu Mariage de
MONSIEVR avec la Princesse Mar-
guerite de Lorraine, est declaré non
valablement contracté : ET le Duc
Charles de Lorraine, vassal lige de la
Couronne, pour le rapt par luy com-
mis, condamné avec Nicolas-François
son Frere, & Henriette de Lorraine,
Princesse de Phalsebourg, sa Sœur.

En date du 5. Septembre 1634.



A PARIS,
Par A. ESTIENE, P. METTAYER & C. PRE-
vost, Imprimeurs ordinaires du Roy.

M. DC. XXXIV.
Avec Privilege de sa Maiesté.

A R T I C L E

THE HISTORY OF THE

REIGN OF

CHARLES THE FIRST

BY

JOHN BURNET

OF THE UNIVERSITY OF OXFORD

IN TWO VOLUMES

LONDON

Printed by J. Streater, at the

Sign of the Gun, in St. Dunstons Church-yard

1679.

THE SECOND EDITION

WITH ADDITIONS

AND CORRECTIONS

TO THE FIRST

BY

JOHN BURNET

OF THE UNIVERSITY OF OXFORD

IN TWO VOLUMES

LONDON

Printed by J. Streater, at the

Sign of the Gun, in St. Dunstons Church-yard

1679.


THE SECOND EDITION

WITH ADDITIONS

AND CORRECTIONS

TO THE FIRST

BY



EXTRAIT DES REGISTRES de Parlement.



EV PAR la Cour les
Grand' Chambre, Tour-
nelle & de l'Edict assem-
blées, le procez criminel
fait de l'ordonnance d'i-
celle par defauts & con-
tumaces, par deux des Conseillers à ce
commis à la requeste du Procureur Ge-
neral du Roy, contre Charles Duc de
Lorraine vassal lige de la Couronne,
Nicolas-François de Lorraine cy deuant
Cardinal & Euesque de Thoul, Hen-
riette de Lorraine Princesse de Phalse-
bourg, & Albin Thelier François de
nation, religieux profez de la maison
Saint Lazare lez la Ferté Milon, Pour
raison du rapt commis en la personne de
Monsieur le Duc d'Orleans, Fils de

France , Frere vnique du Roy. Informations faites par lesdits Conseillers à ce commis suiuant l'Arrest du 4. Ianuier dernier, le 31. dudit mois & an, & autres iours suiuaus. Declaration dudit Seigneur Roy, verifiée en la dite Cour le 18. dudit mois & an. Memoires contenans les demandes faites par le Roy audit Nicolas François de Lorraine, cy deuât Cardinal & Euesque de Thoul : Avec la responce à iceux dudit Nicolas-François de Lorraine, signée de luy. Procez verbal de l'Huissier de Sainte Bocusue, contenant les assignations par luy données aux témoins ouïs en la dite Information , suiuant l'ordonnance desdits Conseillers. Lettres de Cachet du Roy adressantes à ladite Cour : Ensemble les Lettres Patêtes dudit Seigneur Roy en forme de Declaration données à Videuille le 27. dudit mois de Ianuier, signées , L O V I S , & plus bas, par le Roy , B O V T H I L L I E R , & seellées du grand Seel de oire jaune. Avec la Declaration du Sieur Cardinal de Richelieu y attachée sous le contrescel, signée de luy, en date du 29. dudit mois. Co-

pie de la dispense donnée par le Sieur Cardinal de Lorraine le trente-vnième Ianuier mil six cens trente-deux. Certificat de Frere Iulien Vvarnier, Prieur du Prieuré Nostre-Dame de S. Lazare lez la Ferté Milon, du 14. dudit mois de Ianuier mil six cens trente-quatre, contenant n'auoir donné aucun pouuoir à Dom Albin Thelier, d'administrer le Sainct Sacrement de Mariage à qui que ce soit, pour n'en auoir luy-mesme la permission. Arrest de ladite Cour du 24. Mars mil six cens trente-quatre, par lequel elle auroit joint lesdites Lettres de Declaration du 27. Ianuier mil six cens trente-quatre, & autres pieces y attachées ausdites Informations; Et y faisant droit, ordonné que la Princeesse Marguerite seroit assignée, pour estre ouïe sur aucuns faits resultans desdites Informations, qui seroient extraicts, Et que lesdits Charles Duc de Lorraine vassal lige de la Couronne, Nicolas-François de Lorraine, cy deuant Cardinal & Euesque de Thoul, & la Princeesse de Phalsebourg, seroient adiournez à cōparoïr en ladite Cour, pour estre

ouïs & interrogez ; Et ledit le Thelier, religieux Benedictin, pris au corps, & amené prisonnier és prisons de la Conciergerie du Palais, pour estre aussi pareillemēt oüy & interrogé, & respondre aux conclusions que ledit Procureur General voudroit contre luy prendre, Et où il ne pourroit estre apprehendé, seroit adiourné à trois briefts iours à son de trompe & cry public, à comparoir en icelle. Autre Arrest du troisieme Aupil audit an mil six cens trente-quatre, donné sur requeste présentée à ladite Cour par ledit Procureur General, portant que les exploits qui seroient faits par les Huissiers d'icelle, pour l'exécution dudit Arrest, sçauoir à Peronne, pour la Princesse Marguerite, pour ledit Charles Duc de Lorraine, vassal lige de la Couronne, en son Hostel en cette Ville de Paris, Audit Nicolas-François de Lorraine, & à la Princesse de Phalsebourg, en la Ville de Chaumont, Et audit Albin Thelier, en la maison dudit Saint Lazare lez la Ferté-Milon, Seroient valables, & de tel effect, comme s'ils estoient faits en leur propre do-

micile , Ausquels seroient les Lieutenans Generaux & les Substituts dudit Procureur General du Roy esdits lieux de Peronne & Chaumont, tenus assister & estre presens à iceux exploicts d'assignations données ausdits Charles Duc de Lorraine, vassal lige de la Couronne, Nicolas-François de Lorraine, & Princesse de Phalsebourg, tant en la Ville de Chaumont, que sur le Pont de Neufchastel, par Thuret & Casault, Huissiers en ladite Cour, les quatrième & vingt-quatrième Auril audit an. Les deux défauts portant profit, obtenus en ladite Cour par ledit Procureur General du Roy, les 13. May & 2. Iuin audit an, contre ledit Charles Duc de Lorraine, vassal lige de la Couronne, Nicolas-François de Lorraine, & la Princesse de Phalsebourg, à faute de presentation & defaillans. La demande sur le profit desdits défauts, lesquels auroient esté declarez bien obtenus par Arrest du quatorzième Iuillet suiuant, & pour le profit d'iceux, ordonné que ledit Charles Duc de Lorraine, vassal lige de la Couronne, ledit Nicolas-François

de Lorraine, & Princeſſe de Phalſebourg, ſeroient pris au corps & amenez priſonniers en la Conciergerie du Palais, ſi pris & apprehendez pouuoient eſtre en leurs perſonnes, ſinon adiournez à trois brieſs iours, à ſon de trompe & cry public, leurs biens ſaiſis, & Commiſſaires y eſtablis, iuſques à ce qu'ils euſſent obey. Exploicts des perquiſitions deſdits defaillans, & adiournemens à trois brieſs iours. Saiſie & annotation de leurs biens, faits ſuiuant leſdits Arreſts, par Hegron, Langlois, Thuret & Caſault, Huiffiers de ladite Cour, tant en ladite Ville de Chaumont qu'en cete Ville de Paris, & autres lieux neceſſaires, les 24. 26. & 29. dudit mois de Iuillet. Defauts à trois brieſs iours, obtenus en ladite Cour par ledit Procureur General du Roy, demandeur en execution deſdits Arreſts, contre leſdits Charles Duc de Lorraine, vaſſal lige de la Couronne, Nicolas-François de Lorraine, la Princeſſe de Phalſebourg, & Albin Thelier, defendeurs & adiournez ſuiuant ledit Arreſt. V E V. auſſi le defaut portant profit obtenu

nu par ledit Procureur General, contre
 la Princesse Marguerite, assignée en
 ladite Cour, suivant l'Arrest du vingt-
 quatrième Mars, & defaillante. De-
 mande sur le profit desdits defauts. Au-
 tre Arrest du vingt-sixième Aoust sui-
 vant, par lequel iceux defauts ont esté
 bien & deuëment obtenus, & auant ad-
 iuger le profit d'iceux, auroit esté or-
 donné, que les tesmoins ouïs esdites In-
 formations du vingt-vnième Ianuier
 dernier, & autres iours suiuaus, seroient
 recolez sur leurs depositions par lesdits
 Conseillers à ce commis, pour ledit re-
 colement valoir confrontation à l'égard
 desdits Charles Duc de Lorraine, vassal
 lige de la Couronne, Nicolas-François
 de Lorraine, la Princesse de Phalse-
 bourg & Albin Thelier. Et à l'égard de
 ladite Princesse Marguerite, ladite Cour
 auroit ioint ledit defaut au procès cri-
 minel intenté contre ledit Charles Duc
 de Lorraine, Nicolas-François & au-
 tres, pour en le iugeant y estre fait droit
 ainsi que de raison. Recolement fait
 pour valoir confrontation, suivant ledit
 Arrest, par lesdits deux Conseillers à ce

commis, les vingt-huit & 29. dudit mois
 d'Aoust. Reconnoissance faite par le-
 dit Frere Julien Vvarnier, Prieur de
 Saint Lazare, par deuant lesdits deux
 Conseillers, ledit iour 28. Aoust, du
 certificat par luy baillé le 14. Ianvier mil
 six cens trente-quatre. Traitez faits en-
 tre le Roy & le Duc Charles de Lor-
 raine, vassal lige de la Couronne. Ad-
 ueus d'Antoine & François de Lorrain-
 ne, donnez audit Seigneur Roy, par les-
 quels ils recognoissent que le Duché de
 Bar est tenu en hommage lige de la
 Couronne, avec plusieurs autres tiltres
 & pieces produites par ledit Procureur
 General. Conclusions dudit Procureur
 General du Roy. Tout considéré: DICT
 A ESTE, Que ladite Cour adiugeant
 le profit desdits defauts bien & deuë-
 ment obtenus, A déclaré & declare le
 pretendu Mariage de Monsieur le Duc
 d'Orleans, Fils de France & Frere uni-
 que du Roy, avec la Princesse Margue-
 rite de Lorraine, non valablement con-
 tracté. Et pour l'attentat & rapt com-
 mis par lesdits Charles Duc, Nicolas-
 François, & Henriette de Lorraine,

Princesse de Phalsebourg, ledit Charles Duc, vassal lige de la Couronne, est déclaré criminel de leze Majesté, felonnie & rebellion : Et pour réparation, le condamne dire & declarer au Roy son souverain Seigneur, assisté des Princes, Ducs, Pairs & Officiers de la Couronne, en tel lieu qu'il luy plaira, Que par complot, trahison & conspiration, il a entrepris de faire contracter & celebrer ledit pretendu Mariage, non seulement contre la volonté du Roy son souverain Seigneur, contre l'assurance qu'il luy avoit donnée, contre les sermens par luy prestez, de ne l'entreprendre jamais sans son consentement, & au prejudice de la fidelité deuë par vn vassal lige à son Seigneur souverain : Mais aussi contre les Loix de la France, les Ordonnances des Roys, l'honneur de la Couronne & la seureté de l'Estat, dont il se repent, & luy en demande tres-humblement pardon : A laquelle declaration lesdits Nicolas-François & Henriette de Lorraine Princesse de Phalsebourg, seront tenus d'assister. Et outre a banny & bannit lesdits Charles, Nicolas-François,

& Henrlette de Lorraine, a perpetuité du Royaume de France, & tous les biens feodaux qui leur appartiennent, tenus de la Couronne de France mediatement ou immediatement, les a declarez retournez, réunis & incorporez à icelle, & tous & vn chaecuns leurs autres biens estaus en France, tant meubles qu'immeubles, acquis & confisquez au Roy. Et afin que la memoire de la Iustice faite d'un tel attentat, rapt, felonnie & rebellion soit conseruée à la posterité, il sera construit & edifié vne Piramide en la principale place de la Ville de Bar, en laquelle sera mise vne lame de cuiure ou de marbre, qui contiendra le present Arrest, & les iustes causes d'iceluy. Et pour l'infraction des Traitez, manquement de parole & violement de foy en execution d'iceux par ledit Charles Duc de Lorraine, ledit Seigneur Roy est tres-humblement supplié, d'employer sa puissance & sa souveraine authorité, pour par la voye des armes se faire raison à foy-mesme, & se satisfaire sur les autres terres & biens non situez en France, ainsi qu'il iugera estre plus ad-

avantageux pour le bien de l'Estat, le re-
 pos de ses Sujets & la gloire de la Cou-
 ronne. Et quant audit Albin Thelier,
 pour les cas resultans dudit procez, l'a
 banny & bannit aussi à perpetuité dudit
 Royaume de France, Luy fait inhibi-
 tions & defenses y demeurer; & à toutes
 personnes, de quelque estat, qualité &
 condition qu'elles soient, de le retirer &
 receler, à peine d'estre declarez crimi-
 nels de leze Majesté. Outre ordonne
 ladite Cour, qu'à la requeste dudit Pro-
 cureur General du Roy, il sera plus am-
 plement informé contre les fauteurs &
 adherans dudit crime de rapt, Et que le
 present Arrest sera publié par les Huif-
 siers de la Cour, & affiché és carrefours
 & lieux ordinaires de cette Ville, & en-
 uoyé aux Bailliages & Seneschauffées de
 ce ressort, pour y estre leu & publié en
 la maniere accoustumée. Et enjoint au
 Substitut du Procureur General du Roy
 sur les lieux, y tenir la main. FAICT EN
 Parlement le 5. Septembre mil six cens
 trente-quatre. Signé, VOYSIN.

Leu & publié à son de trompe & cry pu-

blic, par nous Mathurin Langlois Huiſſier
 en ladite Cour, aſſiſté de Maîtres Claude
 Goſſel, Nicolas Moreau; Daniel Hamonin
 & François de Sanlecque, auſſi Huiſſiers en
 ladite Cour, aux carrefours & places publi-
 ques de cette Ville de Paris, & de Mathurin
 Noiret, Juré Trompette du Roy, & de deux
 autres Trompettes commis de Pierre Gil-
 bert & de Jantien le Chasble, auſſi Jurez
 Trompettes, le vnziesme Septembre mil ſix
 cens trente-quatre.

EXTRAICT DE LA DECLARATION du Roy, portant les Priuileges accordez aux Imprimeurs de sa Majesté.

PAr Declaration de sadite Majesté du 22. Februrier 1620.
verifiée en Parlement le 7. Mars, Chambre des Comptes
le 8. Aoust, Cour des Aydes le 6. Octobre, Chastelet le 17. No-
uembre, & Bailliage du Palais le 27. de Septembre audit an.
Ensemble par plusieurs Arrests tant du Conseil d'Estat que du-
dit Parlement & Sentences dudit Chastelet contradictoirement
donnez en consequence de ladite Declaration, les 8. Ianuier
1626, vingtième May & 18. Aoust 1627. & autres, Et encor
par autre Arrest du Parlement & Commission sur iceluy, por-
tant permission de saisir, donnez en la presente année 1634.
Il est permis à ANTOINE ESTIENE & Pierre Mettayer,
Imprimeurs ordinaires de sadite Majesté, d'imprimer & ven-
dre seuls les Edicts, Ordonnances, Reglemens, Declarations
& Arrests tant du Conseil que des Cours Souueraines, Baux
generaux & particuliers, & autres expéditions concernans les
Finances, Aydes, Tailles & Gabelles, &c. Avec defenses à tous
autres Imprimeurs, Libraires & autres, de les imprimer ou fai-
re imprimer, vendre & distribuer en quelque sorte ou maniere
que ce soit, sur peine de cinq cens liures d'amende. Voulant à
cés effect sadite Majesté, que ce qui se trouuera imprimé de ce que
dessus, par autres que lesdits Estiene & Mettayer, soit saisi &
cancellé comme nul & faux, & fait contre le commandement
& authorité de sadite Maïesté; ainsi qu'il est plus au long con-
tenu en ladite Declaration.

La presente Declaration a esté deuëment signi-
fiée à tous les Imprimeurs & Libraires, par Tem-
peste Sergent à verge au Chastelet de Paris, ledit
mois & an que dessus.

